

西北稀見方志文獻 第四卷

中國西北文獻叢書·二編



中國西北文獻叢書二編·第一輯

西北稀見方誌文獻

第四卷

甘肅省古籍文獻整理編譯中心 編

本卷目錄

新疆回部紀畧〔清〕慕璋纂……………一

【清】慕璋纂

新疆回部紀畧

本館主編

苗普生

本輯主編：

苗普生

副主編：

劉國防

徐顯

田

壯

勇

畧

趙國慶

陳霞

二〇一二年

序

新疆不皆回族也以回族居大多數羣稱之曰回國回族亦非
阿刺伯種也其先皆突厥族以信奉回教故稱之曰回部元太
祖成吉思汗平西域征服回部對部之宗教而聽其自由以其
人强悍精神上之團結最堅思有以分散之故嘗遷徙於內地
世祖即位後欲使漢回感情日漸融洽陝西行中書省設回回
令史陝西諸道行卸史臺設回回掾吏其所見者大也元以後
知此道者鮮矣故亂事因以發生我朝疆域開拓跨越漢唐天
山南北胥奉正朔然乾隆盛時回人博羅尼都據喀什噶爾霍

新疆回部紀畧

序

卷一

新疆同部紀畧

卷一

新疆同部紀畧

集占據葉爾羌致煩大兵事在往昔請以近事言之同治初元
 陝回肇亂甘回應之官不能軍勢遂大猖新疆孤懸關外餉源
 斷絕陝回妥得璘遂據烏魯木齊分擾天山南北疊為義民徐
 學功所擊敗喀回全相印復引安集延酋長帕夏襲據喀什噶
 爾與妥得璘戰已而得璘敗死新疆全省悉為帕夏有帕夏僭
 號稱王結好英俄時俄人據伊犁承認帕夏為獨立國英亦遣
 使往來廷議將以天山南路封帕夏佐候力持不可今上御極
 之元年左候遣劉錦棠帥師西征錦棠復重用董福祥張俊諸
 名將各率所部掃穴犁庭光緒四年天山南北兩路皆蕩平帕

夏仰藥死新疆設行省與洛汭關輔同為腹裏回部內附不復
用兵皆含和吐氣而頌曰盛哉乎斯世雖然安不忘危古有明
訓地大物博易孽而牙則筦樞衡輅文武不分畛域和好鄰邦
惟賢監司是賴惟是規模初創人材缺乏今之權利害講形式
者多重郵驛修衙署鮮有暇力為民營長策便計對所在回部
尤多歧視起覘新疆之人民土地荒漠者如故疲瘁者如故致
令夙相親愛之回族同胞日且危疑震撼強鄰百出其術以煽
惑而無固結禦侮之方精神上之感情不相聯屬更安期主權
之絕無障礙哉是則經營西北者之責也政府為此懼力求根

新疆回部紀畧

序

七

本之計以謀建設欲明瞭回部內容可謂知所先務矣鎮原慕
 霽堂先生與余誼屬同寅時相過從深知其研究地理與種族
 源流非一朝夕故矣頃奉長官命馳往天山瀚海間纂新疆回
 部紀畧一書余索而觀之其體例曰沿革曰疆域曰山川曰建
 置曰官制曰營伍曰糧餉曰賦稅曰軍台曰回務曰夷務曰古
 蹟皆據同治以前檔案詳細調查筆之於書而於哈密回部紀
 述尤詳蓋哈密為甘肅入新疆之第一都會回部親王駐此故
 也現在之建置若何正在草創間政府將根據是編觀已往之
 事實謀將來之福利故暫時從畧以俟補充後之讀是編者可

知新疆之歷史與回部之基布於天山南路矣余老矣無鎮原
皇甫謐之才序左思三都賦而是編書法謹嚴紀載翔實紙貴
洛陽行將拭目俟之

光緒九年仲冬之月

西甯府學教授李時昇序

光緒九年仲冬之月
西甯府學教授李時昇序

自序

昔漢武帝追迹驕虜創置張掖武威酒泉敦煌四郡以通西域
中遭新莽之亂閉玉門關遏絕西域朝貢唐宋之隆時陷夷狄
國初天山北路為準噶爾所據南路為回部所據乾隆間次第
平定設伊犁將軍烏魯木齊提督及各路領隊大臣以鎮攝之
時則中國西北已有新疆之名稱也而地方官吏則陝甘總督
實進退之則是新疆者甘肅之新疆也今上御極之四年再平
新疆回亂未幾俄國交還伊犁乃設行省與腹地侔脫離甘肅
關係舉漢唐所開闢之西域奔走偕來同我太平原不徒纏回

一類也八年冬今青海辦事大臣李公欽伯奉恭邸手札以萬里新疆回部居大多數樞府欲知其內容以為行政方鍼就近遣派妥員馳赴天山南北考察地理之沿革及回部一切情形時余教諭西甯李公以余文理稍通尚堪驅策會商總督檄為調查員車馬繕宿紙筆諸費悉取諸公家以九年二月朔取道甘涼抵酒泉俯瞰祁連合黎之山環索月氏休屠之地見夫人煙輻輳渠道縱橫嗟壯哉亶巨鎮也及出嘉峪關日驅車戈壁中至新疆哈密則回部親王在焉由哈密以至和闐距崑崙八百餘里目所睹皆纏回也調閱檔案踏勘地形考以史書參以

輿論幾經審慎始敢操觚彙為一書名曰新疆回部紀畧是年十月回西甯竣事案唐會要顯慶三年五月九日以西域平遣使分往康居國吐火羅國訪風俗物產及古今縻置畫圖以進令史官撰西域圖志玉海至道三年七月四日真宗詔宰臣曰朕欲觀邊防郡縣山川形勢可擇使以往乃選左藏副使楊允恭崇議副使竇神寶闔門祇候李允則乘傳視山川形勢不久地均淪陷其所著述今亦不傳我朝仁鑠威覃蟠際日出沒地漢唐宋所未征服之地橐駝陳俎喁喁向風武功之盛輿地之廣可與元太祖成吉思汗輝映後先矣雖然思危所以求安慮

退所以能進懼亂所以保治戒亡所以獲存也成吉思汗平西域初至伊犁利用回部以取甘涼平西夏西北上游胥隸版圖子孫因之統一華夏不及百年豆剖瓜分順帝退居漠北一蹶而不能復振者因無政治設施以鞏固其根本也今聖天子賢宰衡勵精圖治思患豫防撫此邊遠之新疆思所以長治而久安者余知其必有合也李公將以是編恭繕進呈圖上方畧俾回部長享洪塗之福者顧不鉅歟是編也行李倉皇章成急就未能龜鏡將來成其不利而芻蕘之策或亦

當軸諸公所樂聽乎爰誌其緣起如右

光緒十年孟春之月

西甯縣學教諭慕 璋序

丁酉丁巳

丁巳

丁巳

